




### 9. Tua khitchiang bang piang ding iin genkholhna in gen hiam?

**Daniel 9:26, 27** *Tua hun a bei khit ciangin sathau kinilhpa thuman lopi-in a \_\_\_\_\_ ding hi. ... Tua makaipa in mi tampite tawh kum sagih sung thuciamna kip bawl ding uh hi. Gangawh biakna leh biakpiakna, hih \_\_\_\_\_ sung a khawlsak ding hi.*

Phawk Ding: Genkholhna in a genkholh lai na ah, kaal 70 a nunung pen kaal sunga alaizang (hunlang) ah “Zeisu si ding”, singlamteh tungah kithat ding ci hi. A.D. 27 sathau a kinilh pan kum thum leh alang sim leng A.D. 31 tawh kituak-a tua kum-in Zeisu singlamteh tungah hong si lian hi. Asih lian-in biakinn dalna puan atunglam pan anuailam dong phel nih kisuah hi (Matthew 27:50,51) akhiatna in Pasion tuuno banga hong sihna in sagawh biakna khempeuh beisak ta cihnopna ahi hi. A nuai-a kisuai hun te en in:



### 10. Zeisu in kua te kiangah thugen masa un ci-in a nungzuite gen hiam?

**Matthew 10:5, 6** *Gentil te omna ah pai kei un. ... Tuu bangin a mangthang \_\_\_\_\_ mite lakah va paizaw un.*

Phawk Ding: Zeisu in a nungzuite kiangah Judah mite lakah thugen masa un a cihna a hangin Jew te in Messiah thu a tangko nadingun akituamkoih kum 490 te lakah kumthum leh alang om lai ahiman ahi hi. Daniel 9:27 sunga genkholhna in Zeisu in mi tampi tawh genkholhna kaal khat sung (taksa kum 7) thuciamna kip ahih kei leh a lian gupkhiatna bawl ding hi ci hi. Ahih hangin A mite ading kipia kaal nunung pen laizang (hunlang) ah si ahih leh, bangci bangin a sih khitchiang kamciamna bawl thei lai ding hiam? Hebrew 2:3 sungah a dawnna kimu hi: “Alian mahmah gupna thu don lo-in om lehang, mawhna daan tawh bangci kipelh ding ih hi hiam?” Zeisu’ nungzuite in tua a nunung kum thum leh alang sung tengin Jew te kiangah thugen uha, Jew minam buppi in lungdam thupuak niala Stephen midik upa pa, suangtum tawh a thah uh A.D. 34 kum ciang dongin thuhilh uh hi (behlapna ah en leng “Haptakhat Taimang.”)

### 11. Zeisu in A telsa mite tungah kidop ding bang gen hiam?

**Matthew 21:43** *Tua ahih ciangin, ken kong cihin ah \_\_\_\_\_ note kiangh lakhia a, tampi gah agahsak thei \_\_\_\_\_ dangte apia ding hi.*

Phawk Ding: Jew minam te in Messiah a nial tantan veve uh leh, sawltuam ahihna uh kila kik ding ci-in Zeisu in limtakin gen hi.

### 12. Zeisu in Matthew 21:43 sungah adang “minam” acih, A teel mi a suak ding te kua te hiam?

**Galatians 3:29** *Note in \_\_\_\_\_ aa na hih uh leh, Abraham suan le khakte na hi uh a, thuciamna bangin \_\_\_\_\_ mi na hi uh hi.*


**Romans 2:28, 29** *Pua lam Judah mi in Judah mi hi takpi lo hi... A \_\_\_\_\_ Judah mi in \_\_\_\_\_ mi ahi takpi hi.*

Phawk Ding: A.D. 34 kum in Stephen suang tawh hong den lup khit uh ciangin (Sawltakte 7:58, 59), Jew minam te bek Pasion teluam minam hong hi nawnlo uh hi. Pasion in amau adinga agelsak nate atawntungin nial den uh ahih man un, Israel minam te pen hun nunung genkholhna ii mitsuan pi hi nawnlo uh hi. Tu-in ahih leh Zeisu asang khempeuh Ama teeltuam mi hita a, taksa Israel te kiangah Pasion’ ii kamciam te tu-in khalam Israel te ading zong ahi hi (Romans 9:6-8).

### 13. Daniel tunga thugen vantungmi in kum 2,300 hong bei ciangin bang hong piang ding ci-in gen hiam?

**Daniel 8:14** *Amah in, zingsang leh nitak biakpiakna tul nih leh zathum vei acin khit ciangin \_\_\_\_\_ kik ding hi, ciin a dawng hi.*

Phawk Ding: A.D. 34 khitchiangin kum 2,300 beina dingin kum 1,810 omlai hi. (Anuai-a lim-a kum leh ni te.) A.D. 34 pen kum 1,810 tawh gawm leng 1844 hong cing hi. Vantungmi in agenna ah, tua hun ciangin vantung biakinnpi kisiansuah ding ci hi. (Hih leitung biakinn pen A.D. 70 kum-in kisia khin hi). Zeisu, vantungah ih siampi lian (Hebrew 4:14-16; 8:1-5), vantung biakbuuk sung panin mawhna te phiatkhiatna (Mangmuhna 20:12; Sawltakte 3:19-21) in 1844 iin kipan hi. Hih thukhenna masa pen Zeisu nih vei hong pai ma-a kipan ahih manin kumkikma thukhenna (pre-advent judgement) kici hi.



### 14. Kua te thu kumkikma thukhenna (pre-advent judgment) ah kikhen masa hiam?

**1 Peter 4:17** *Bang hang hiam na cih uh leh, Pasion \_\_\_\_\_ te amasa belin \_\_\_\_\_ na ding hun atung zo hi.*

Phawk Ding: Hih thukhenna ah a masa-in Pasion’ ta akici te tungah tung masa pen hi.

### 15. Hih a masa thukhenna ah bang thu te kikhen ding hiam?

**A. Mangmuhna 20:12** *A lian a neu misite tua tokhom mai-ah dingin \_\_\_\_\_ a kilem ka mu hi.*

**B. Thuhilhsia 12:14** *A pha hita leh asia hita leh, a \_\_\_\_\_ a i hih simte nangawn i hihna \_\_\_\_\_ ah, Pasion in thu hong khen ding hi.*

**C. James 2:12** \_\_\_\_\_ *thu bangin \_\_\_\_\_ athuak ding mi bangin thu genin gamta un.*

Phawk Ding: Hih thukhenna ah vantung laibu te sunga kigelhna kisiksan iin, mimal khempeuh ii nuntakna khempeuh om hi (Late 56:8 en in). Thukham Sawm, Pasion thukham, tawh thukhenna kinei ding hi (Mangmuhna 22:14) “**a puan uh a sawpsiangte**” hilo iin, “**a thukham azui te**” hizaw hi.\*\*\* (Blessed are they that do his commandments, that they may have right to the tree of life, and may enter in through the gates into the city. Mangmuhna 22:14.)

### 16. Thukhenna ah kei hong mawhsakpa Pasion ahi diam?

**Mangmuhna 12:9, 10** \_\_\_\_\_ *kici tang lai gulpi peen ... leitungah akikhiasuk hi... I ute i naute, i Pasion mai ah sun tawh zan tawh \_\_\_\_\_ mi in khiatsukna athuak zo hi.*

Phawk Ding: Hilo hi! Hong mawhsak den pa Satan bek hi. Christian pawlkhat te in hih thukhenna ah Zeisu in a Pa kiangah bangmah hong cih loh nadingin hong ngetsak hi ci-in gen uh hi, ahih hangin Zeisu in, “Pa mahmah in nang hong it hi” ci-in hong gen hi Johan 16:27.

### 17. Kumkikma thukhenna ah kei guak bek din a kul ahi hiam?

- A. Zeisu ih palai ding hi. (1 John 2:1).**
- B. Zeisu ih thukhen ding pa hi. (John 5:22).**
- C. Zeisu pen eite ading ih teci ding hi. (Mangmuhna 3:14).**

Phawk Ding: Lungdam huai lua, khatguak bek hilo. Hih thukhenna ah Zeisu pen Christian te palai, thukhenmangpa, leh teci pangpa zong ahi hi. Zeisu adingin na nuntaak leh na lel kei ding hi (Romans 8:1; Kolose 1:12-14)!

## Nang Dawnna

*Thukhenna ah Zeisu na palai hileh, Amah in na thu hong zawhpih dingin hong kamciam hi. Tuni-in Ama kiang na nuntaakna na kihei nuam hiam?*

DAWNNA: \_\_\_\_\_

## Hilhcianna

*Hih anuai- a te in telbeh nadingin hong huh ding hi.*

### Hapta Khat Taimang

Laisiangtho sangnaupang pawlkhat te in Daniel sunga kipia genkholhna kum 490 sunga a kaal nunung (or taksa kum 7) pen hun nunung ciang kum 7 sung lungkhamna ( seven-years tribulation) ah Antichrist ii nasep hun dingin tuat uh hi. Tua bang hihna pen Laisiangtho sungah omlo hi.

Ahang tawmkhat en kik ni:

- A. Kum 490 genkholhna pen hun akizom paisuak hi, kum 70 Pasion mite saltaanna ding Daniel 9:2 sunga agen tawh kibang.
- B. Atawpna kum 7 genkholhna khatna pen Zeisu kituiphumna (A.D. 27) hi.

Tua manin thugen kipan pah hi, “Ahun hong tung zo hi.” Mark 1:15.

- C. A.D. 31 kum-a singlamteh tungah Zeisu hong sih ciangin “A ZOZO HI” ci-in kiko hi. Honpa in kician takin Ama sihna ding Daniel 9 sunga kigenkholhna banglian siksian hi. Encian suk lai leng:

1. “Messiah” “kithat” ding, or singlamteh tungah si ding (Daniel 9:26).
2. Pasion Tuuno banglian-in mikim ading a sihna hangin “biakpiakna leh biakna te khawl sak ding hi.” (Daniel 9:27; 1 Corinthians 5:7; 15:3).
3. “Mawhna hangin kilem kikna” hong bawl kik ding hi (Daniel 9:24)

A kigenkholh bangin Messiah hong pai a, hun maan hi, Kum 490 leh kum 2,300 genkholhna te tawh kipelh hetlo-in hong tangtung hi.